

# Ook Jacobsen

Die TRANSVAAR  
THURSDAY

25 APRIL 1972

## se naam is gevind by Timol

(Vervolg van bladsy 1)

„Dit was vir my duidelik uit die dokumente dat Timol en sy trawante besig was met 'n veldtog wat kon lei tot sabotasie en massamoord. Daar sou mense wees wat in hegtenis geneem moes word.”

Twee dae later op 25 Oktober — 'n Maandag en ook die Dinsdag — het hy vir Timol ondervra. Die ondervraging het tot sewe- en agtiur saans geduur. Timol was stil van geartheid, het die indruk geskep dat hy saanwerk, maar het nie die waarheid vertel nie.

„Die name en adresse van verskeie mense het op die dokumente verskyn wat by Timol gevind is.

„Getuie wou weet wie die leiers was van die ander hoof-selle en sub-eenhede van die Kommunisteparty in Suid-Afrika. „Timol het gemaak of hy niks weet nie.

„Hy het gesels oor name en feite wat ons reeds gehad het. „Hy het verskeie leuens vertel. Hy het o.m. gesê dat die skryfster van die geheime briewe uit Londen, Stephanie Kemp is (sy was voorheen in Suid-Afrika in die tronk weens sabotasie).

### ARRRES

Die name van bekende lede van die Kommunisteparty is in die pamflette genoem. Daar was ook die name van Essop, Desai, nou in arres), Quinton Jacobsen — die man wat onlangs in 'n terroristeverhoor in Johannesburg onskuldig bevind is.

In een van die pamflette word bekend gemaak hoe die bewind in Suid-Afrika met geweld omver gewerp sal word. Dit word genoem dat die geweldplegers — „heide is wat al in Rhodesië, Algerie, Vietnam en Kuba gegveg het”.

Kapt. Dirker het gesê dat instruksies by Timol gevind is oor hoe die geheime, onsigbare skrif ontstyf moes word — o.m. met bloed en gedistilleerde water.

Twaalf kaarte onder die dokumente dui die ghoftlengtes en tye aan waarop uitsendings oor Radio Peking, Radio Tanzania en Radio Moskou o.m. opgevang kan word.

Kapt. Dirker het Timol ook ondervra, maar was hoofsaaklik belas met reëlings om die woonplekke te deursoek van mense wie se name genoem is in dokumente wat by Timol gekry was. „Die waarheid is dat die skryfster van die briewe Rika Hodgsons is. Haar man het om politieke redes uit Suid-Afrika gevlug. Die briewe was wel onderteken „Stephanie”.

Kol Van Wyk het getuig dat hy Woensdagoggend 27 Oktober weer by die ondervraging „inge-loer” het waar Van Niekerk en Gloy besig was. Hy het gesien dat Timol sit en skryf. Die mid-

dag omstreeks halfvier was hy weer daar en het toe verneem dat Timol dood is nadat hy uit die gebou gespring het.

Kaptein C. J. Dirker van die Veiligheidspolisie het getuig oor die pamflette wat by Timol en Essop gevind is. Essop, 'n ander gewese aangehouene, was die nag saam met Timol in die motor waarin die pamflette was. Die eerste aand het hy gesien dat die geskrifte dié was van die ANC en verbanne Kommunisteparty wat 'n tyd gelede in Suid-Afrika versprei is.

### Pamflette

Van die pamflette onder die titel: „Vorster and his gang” was in Engels en is met tydomontploffings in Johannesburg versprei.

Adv. I. Malsels wat namens die Timol-familie optree, wou kaptein Dirker, wat in Afrikaans getuig het, op Engels in kruisverhoor neem. Die polisie-man het versoek dat hy Afrikaans praat. Kaptein Dirker sal later weer getuig met behulp van 'n tolk.

## Briewe van Timol

• Vervolg van bl. 1

In 'n brief gedateer 2 Desember 1970 uit Londen word Timol bedank vir 'n volledige verslag oor verskeie mense wat hy vroeër die jaar aanbeveel het. Hy word gevra hoeveel nou in die „hoofgroep” is.

Sy planne oor 'n „veilige metode” om onder Bantoes te werk, word aanvaar. „In the case of Cornelius, we have to leave it to you to judge whether it is advisable from a security point of view. If there are any doubts, do not go ahead.”

Op 3 Maart 1971 word Timol dringend versoek om dokumente te stuur: pasboeke, belastingkwitansies en -vystellings en ander reisdokumente wat veral vir Bantoes gebruik word.

Hy word ook versoek om enige ander dokumente te stuur wat „swartes” nodig het om mee te reis en te „oorleef.”